

四明叢書

張宗祥



杲堂文續鈔卷二目

古史記自序

漢史記自序

漢史記目後序

漢語自序

南朝語自序

世說錄遺序

東皋唱和詩序

陽燧珠傳奇序

評點南華經自序

癸巳詩自序

壽三兄原博先生七十家讌序

高大中丞六十序

黃太母姚太夫人八十壽序

林母朱太夫人六十序

沈母朱太君八十序

壽張魯客先生六十序

壽董母陳太夫人七十序

董母陳太夫人八十序

壽曹秋嶽先生六十序

卓有枚五十序

介公生日序

黃母葉淑人六十壽序

陳太母謝太夫人七十壽讌序

壽余母太孺人六十序

壽許酉山先生序

大司馬兩浙制府山左李公壽序

徐遂生五十序

朱柳堂先生六十序

澄里江翁八十序

周伯齡先生七十壽序

盧素先先生六十序

宋母某太夫人五十序

工並國策所無者然則司馬氏所口服惟左氏一人而已論者謂史記入漢以後始見其才前此頗爲古人所揜僕謂龍門本朝諸篇若拔趙幟立漢赤幟獨建旗鼓者也秦以上諸篇若試婦人教獼狝羆虎聽其指麾者也雖所引據左氏不及者多然如秦紀敘韓地之戰晉世家述驪姬語伍子胥傳述員尙語他如越世家補陶朱公事趙世家補下宮事類俱不爲左國所縛蓋子長異才獨能役使古人而後來竟無敢役使子長者其所以橫絕百世也讀僕所輯古史記五十七篇可以觀矣

漢史記自序

僕少讀司馬氏史記班氏前漢書嘗有一憾司馬氏不生建武永平間使得撰西京全史首尾變化當更絕人一憾班氏述元狩以上不能別出經緯成文章而全襲前人舌剽步蹇遂致有班馬異同一編益使孟堅無色後十年愈喜讀兩家書乃欣然曰僕將爲釋此憾矣夫龍門首撰史記意述春秋爲後世史筆祖其所從來高矣班氏世工述作稱龍門爲良史才以孝山少孫輩所集不足踵繼其書因欲斟酌前史作爲後傳其有功於

司馬氏不少則但當續昭宣以後事上接前賢附其俎
豆今乃欲自爲全書稍一竄筆卽盡冒以班氏豈可哉
豈可哉夫日與月不同光也江與海不同瀾也今班氏
自謂其書足揜史記是思以夜光蔽日以江流障海其
力亦稍弱矣僕旣取史記所載自黃帝至秦二世止別
集成書曰古史記復取史公入漢諸篇爲本而截班氏
所載昭宣以下續其後經緯相錯合爲一書曰漢史記
昔武帝時邢姪娥尹婕妤同幸有詔不得相見使尹氏
望見姪娥則低頭而泣矣此武帝善爲尹氏也今盡刪

班氏元狩以前文使不並見令人得屑屑取較以釋此憾所以全班氏也孔少府素善蔡邕卒後有虎賁氏貌類邕少府每引與同坐曰雖無老成人尙有典刑此少府極慕中郎也今錄班氏太初以後文使人謂龍門典型不墜尙見蘭臺竟得成西京全史以釋此憾所以全司馬氏也

漢史記目後序

客曰君所纂漢史記合班馬爲一書但觀君所定史目非徒合兩家也其前後條例亦有不同者幸惠教之僕

謝曰唯唯凡僕爲此書所以正史體也司馬氏首撰史記集書七八種數年而成其體近古所未有也班氏因而稍變之卽所稱郡縣姓氏務爲慎覈用力亦易耳乃稍變其體而遂欲詆其體此則班氏之過也但僕謂兩家各有所長敢爲折中之司馬氏於帝紀下有世家班氏盡著爲列傳非也蓋王者之道先親親故史前列楚荆齊梁諸世家今則拔武五子宣元六王並列五宗後吳淠淮南長沙以懿親犯大逆降置列傳今以燕刺王旦附之同姓以外則議功故史置鄼留諸侯世家其後

博陸富平功在社稷魏丙相業班氏方諸蕭曹今並拔
置絳侯後至諸臣行事有散見者若卜式在平準書蒯
通在淮陰侯傳張騫李廣利在大宛傳伍被在淮安傳
但使附見以其人不足重也張湯杜周已見酷吏豈因
有賢子而諱之且酷吏傳十人纂組錯綜此史公文機
橫絕處若截出則經緯不成今並從其舊存司馬氏之
體也史公不列惠帝紀以其權移母后也然惠帝天性
仁孝御極七年豈宜遂闕不錄班氏特補之是已龍門
所載上自黃帝以迄漢故列項羽爲本紀非抑漢也快

其能亡秦也觀其列陳涉世家而終曰所遺置王侯將相竟亡秦意可見矣今旣獨爲漢史自宜下與陳涉等至長沙王令甲所著也史不爲附傳賈傳大儒鄒陽別著奇節俱宜專傳李陵史公所傷心也班氏特詳之匈奴西南夷以下盡置類傳後外之也未置外戚者蓋難起於娥姁而禍成於政君西京二百年實與外戚相終始故篡賊王莽直接元后史臣有深戒焉今並從之存班氏之體也乃若呂雉毒殺三王稱制天下劉氏罪人也至光武時始議黜不得配食太廟中興正議足使宗

廟改觀今則列名外戚而取其本紀附惠帝後使不得
與劉氏並列漢初三傑之名發自高帝今抑淮陰於列
傳蓋猜后持權文終定獄史公依違國法有傷心焉且
生前羞與舞陽爲伍而死後乃屈居鯨布下淮陰其能
甘乎今旣千載論定當從高帝初言拔置子房蕭相國
後柁侯本與博陸同列今置曰附者卽柁侯自稱臣外
國人恐匈奴輕漢也若蘇屬國忠節冠古今中壘惓惓
王室死而後已杜幼公碩德舊臣並宜專傳杜欽劉歆
以文人心黨王氏實其家聲君子惡之故截附谷永傳

後倉公方術也置類傳後此則僕正兩家之體也外若漢天子諸詔令一代文章莫大於是班氏輯錄有功焉故並採入諸表卽雜附九表後而以外戚百官續之禮樂律曆四書司馬氏未成之業也與其以褚氏補豈若以班氏補天文卽天官也郊祀卽封禪溝洫卽河渠食貨卽平準也故並合載而以五行地理刑法藝文四志續之游俠貨殖二敘班氏所特矯子長者也故別附傳後以示異同但貨殖所載土俗班氏採入地理而其續游俠四君丰采銳發極摹子長固貌詰而心服之者也

吳公文翁史公所及見乃記中詳載酷吏而循吏則本朝闕如蓋子長身辱漢法謂罔亦稍密焉今班氏特補之儒林傳亦孟堅所加意者也故獨列班氏西域傳因大宛而詳之也故並列焉客曰然因復次其言於後

漢語自序

蕭文終公謂高祖曰語云天漢其稱甚美願大王王漢中復汜水告天遂成其號至曾孫武皇復九世仇鬪國萬里明光告成天馬入櫪始表其年曰天漢雖曆終五百天漢遺威尙炳炳著人耳目嗚呼孔氏去今二千餘

歲學者未嘗登其堂發其笥親其衣冠杖履而皆自稱曰吾仲尼之徒也劉氏去今亦千餘年生民未嘗踐其土奉其正朔文法而皆自稱曰吾漢人也故曰孔氏師百世劉氏帝百世況五經漢家所立孔氏遺教至漢大光則凡我含生負氣戴乾履坤稱大漢之民讀大漢所立之書者有不以大漢之語爲語乎旣彙馬班爲一書續以范史又改正蜀志曰三漢史復於暇日最其談寸簡尺書以類分錄使學者以是言言以是語語俱漢人也斯成漢人矣錄成十卷題曰漢語因與荀慈明所著同復別之曰李氏漢

語

貞羣案是篇從續甬上耆舊詩采入

南朝語自序

南朝語者起南宋迄陳採李延壽南史中語也六朝人
曰金陵王氣所在又曰南方數千里地士子風流盡出
其中雖以劉勰諸君桀才蓋世力能手奪神器而不能
奪當世所爲士大夫卽高歡亦云吳翁專事衣冠禮樂
中原望爲正朔所在是以區區江表國姓五嬪而能明
抗強鄰與口敵國其所心憚全在此故始興廬陵二祀